

■ BORDAN

Serade speciâl pes tradizions furlanis

Il Comun di Bordan, midiant dal Sportel pe lenghe furlane, al dediche une serade speciâl aes tradizions di chest particolâr periodi dal an.

“Tra Sant Zuan e Sant Pieri” si intitule il “viaç a torzeon tra lis tradizions furlanis in dôs des zornadis plui straordenariis



dal an” che si tignarà vinars ai 26 di Jugn aes 8 e mieze di sere te sale consiliâr dal municipi. Si fevelarà de arcje di Sant Zuan fate cul blanc dal ûf, des cidulis che a corin tal cîl, des plantis che a coventin par fâ il mac di Sant Zuan e di tantis altris tradizions leadis ae nature e a chestis gnots plenis di magjie, par condividi esperiençis, ricuarts e storiis dal nestri patrimoni culturâl. Par plui informazions, si pues scrivi al sportel pe lenghe furlane dal comun: sportello.friulano@com-bordano.regione.fvg.it.

SCOLTADIS DI DRIUS

Amôr dolç

O ài sintût a dî che l'amôr al fâs plui dolze le vite.

E se un a l'è diabetic?



Ae scuvierte dal territori



Foto di grup de iniziative a Mels

A Mels, un grup di amîs che si clame ‘Miôr gjoldi Mels’, voidât di **Alida Pevere**, al è impegnât di cualchi an tal fa cognossi la storie e i lucs ai fruts, cjaminant ator pal paîs.

» DI CHRISTAIN ROMANINI

D aûr di azion semplice tant che une cjaminade a puedin platâsi significâts une vore di plui profonds di ce che al somee. A Mels lu à insegnât e al continue a fâlu un grup di amîs che si clame Mgm (nuie a ce fâ cu la innomenade cjase di produzion cinematografiche americane: “Miôr Gjoldi Mels” al è il significât dal acronim).

Si è tignude ai 13 di Jugn la ‘Cjaminade in ligrie contant robes di une volte’ e o vin domandât a **Alida Pevere**, che e fâs par dai Mgm, apassionade di culture e tradizion furlanis, cemût che e je nassude cheste iniziative.

Parcè cjaminâ a Mels?

“Par scuvierzi il territori e no dome...”

Ven a stâi?

“Vivint il paîs mi soi rindude cont che la int no cognòs plui il territori come une volte, ancje se Mels al è nol è tant grant. Cheste cjaminade e à coventât a sveà lis cussiençis”.

Parcè?

“E je stade une esperience che e à dade la pussibilitât ae int di tornâ a ‘cjapâ possès’ dai siei lûcs: no dome chei che a vevin di vignî a cjaminâ si son rindûts cont des bielecis de nestre

campagne, ma i stes proprietaris a son stâts invoiâts a curâ i lôr prâts e a netâ i trois”.

Di dulà sêso ‘partîts’?

“Cheste cjaminade e partîs di une iniziative culturâl nassude tal 2013, cuant che o ai scomençât a meti adun une conte su la storie di Mels, che al è il cûr su la culine de ‘torate’, dulà che al jere il cjistiel dai conts. Di li o vin rivât a coivolzi la int dal paîs e a meti in pîts une rapresentazion pai fruts, che a son restât inmagâts. Di cheste esperience al è nassût ancje il gno test teatrâl ‘La antighe risulitive’ che al à partecipât al concors leterari ‘Glemone, îr, vuesti, doman’ vincint il prin premi tal 2013”.

Cemût sêso rivâts a vuê?

“O scuen ringraciâ dute la int che e à colaborât e ancje lis mestris che di chest percors a àn cjapât spont par puartâ il teme de ‘aghe’ tes scuclis: al è stât e al continue a jessi un proget ‘coltîf’ e cheste e je la sô fuarce”.

Ce altris iniziativas vêsso in program?

“Intant o pues segnalâ la nestre pagjine **www.facebook.com/MelsDiColloredoDiMonteAlbano**’ dulà che o tignûn une sorte di diari digjitâl de vite dal paîs, ripuartant dutis lis ativitâts che o fasin: vignî a cjatânus. La intenzion e sarès chê di slargjâ la cjaminade, lant a scuvierzi ancje i borcs dongje di Mels, intun percors che al è prin di dut culturâl”.



ilfriuli@ilfriuli.it

Euronews informa

Si pues controlâ la machine a gratis

Apontament sabide ai 4 di Lui des 8.30 aes 12 tal Centri revisions de Provincie in vie Popon 67 a Udin

S abide ai 4 di Lui des 8.30 aes 12.00 al torne l'aroma sodât apontament che la Provincie di Udin e dediche ae sigurece stradâl. I tecnics dal servizi motorizazion a saran a disposizion de utence par une matine dedicate ai controis gratuits des machinis privadis tal Centri Revisions dal Servizi Motorizazion civil di Udin in vie Popon n. 67. A vignaran controlâts i dispositifs colegâts ae sigurece, come l'implant dai frens, la carocarie, l'implant electric, i orghins dal stierç, i pneumatics, lis sospensions e lis emissions nocivis di gas di scaric. Ae fin des verifiche i clients a varan una diagnosi su la machine o ben un document di sintesi dai controis fats che a fasaran fede su la manutenzion dal mieç. “O rinovin l'apontament cun cheste iniziative – al spiege l'assessor delegât ae motorizazion



civil Marco Quai – pai automobiliscj che a stan par partî pes vacances. Obietif di cheste ativitât gratuite pai utents – al zonte –, al è di permeti ai citadins di verificâ lis condizions des lôr machinis sensibilizant ancje la int a controlâ lis machinis periodicamentri. Une prassi che e va ben ancje par risolti anomaliiis de machine par cause di mancjade sostituzion o sistemazion di componentis che a puedin causâ un pericol pe sigurece dal veicul e duncje fâ aumentâ la pusibilitât di incidents. La Provincie e je impegnade sul front de sigurece stradâl – al siere Quai – soreud cun interventi di manutenzion dal patrimoni stradâl dal Ent ma ancje promovint la culture de sigurece stradâl ricuardant a ducj, ma soreud ai plui zovins, la impurtance di voidâ in maniere corete par prevignî i incidents”.